

23 30883/P

n. 68

Q. D. B. V.

RECTORE MAGNIFICENTISSIMO  
SERENISSIMO PRINCIPE AC DOMINO

**DOMINO CAROLO**

BORVSSIÆ PRINCIPE MARCHIONE BRAN-  
DENBURGICO RELIQUA

PRAESIDE

**FRIDERICO HOFFEMANNO**

COLLEGII MED. h. t. DECANO

DE

**VSV INTERNO**

**CAMPHORÆ SECV-**

**RISSIMO ET PRÆ-**

**STANTISSIMO,**

PRO DOCTORIS GRADU

publice disputabit

**M. CHRISTOPH. HENRICVS KEIL,**

Oelsnitio Variscus

H. L. Q. C.

*Ad. d. XV. Decembr. Anno M. DCC. XIV.*


---

**HALÆ MAGDEBURGICÆ**

Litteris CHRISTOPH. ANDRÆ ZEITLERI, acad. typ.







DISSERTATIO SOLENNIS  
DE  
**CAMPHORÆ USU**  
**INTERNO SECURISSIMO**  
**ET PRÆSTANTISSIMO.**

PROOEMIUM.



**M**edicamenta sua etiam  
fata experiri, nemo facile, nisi  
qui rudis sit historiæ medicæ, in  
dubium revocabit. Quid enim  
frequentius occurrit, quam quod  
non tantum diversæ circa remediorum efficaciam  
apud Medicos vigeant opiniones, sed & quædam in-  
terdum ob mirabilem maxime qua celebrantur, viri-  
um potentiam, ad cœlum usque tollantur, quæ in-  
tervallo temporis ob noxam, quam forte crearunt,  
iterum culpantur & ad ima usque deprimuntur. Ne-  
que



que tantum ab antiquis præstantissimis Medicis maximopere commendata inque Pharmacopœis recensita medicamenta cumprimis composita hoc fatum sustinent, sed maxime nostris temporibus, quibus medicina magis exculta & in fereniorem lucem adserta est magnificæ famæ, quæ extiterunt remediorum gênera, paucis abhinc annis laudem atque existimationem suam penitus ferme amiserunt. Quanta enim famæ celebritas fuit paucis abhinc annis Laudano opiato *Helmontii*, Elixirio Proprietatis *Paracelsi*, Antihectico *Poterii*, Aquæ benedictæ *Rulandi*, specifico cephalico *Michaelis*, Tincturæ ejus bezoardicæ, Pulveri bezoardico *Sennerti*, Spiritui oleoso volatili *Sylvii*, Tincturæ aperitivæ *Mæbii*, Tincturis ferme omnibus martis, Bezoardico sic dicto solari, Joviali, Cerussæ Antimonii, bezoard. minerali Panaceæ *Glauberianæ*, Theriacæ cœlesti *Quercetani*, Sali viperam *Tachenii* fixato, Sali volatili Cornu Cervi, Chinæ chinæ, illis, qui in artis operibus indefesso studio versantur notissimum est. Utpote hæc ipsa velut polychresta & arcanæ ob mirabilem & pene divinam virtutem ipsis concessam recondebantur, quorum tamen fama atque existimatio nostris ferme temporibus periit  
atque



atque exspiravit, eo quod conceptam medentum  
spem maxima ex parte eluserint. En miseram artis  
nostræ faciem, quæ nunquam fere sibi constat, sed  
semper innovatur, reformatur & immutatur! Enim-  
vero nolo hoc loco ipsa culpæ vel accusare remedia,  
quibus eximias vires agendi in summovendis mor-  
bificis causis utique Numen benignissime infudit, sed  
Medicorum coarguo ignorantiam, inconstantiam, in-  
que judicando & applicando præcipitantiam: quo-  
rum plurimi, cum parum docti & solidi sint & recte  
ratiocinandi usu ac arte destituti, hinc in sentiendo  
sunt inconstantes, huc vel illuc agitantur, inque diver-  
sas partes facile distrahuntur: maxime omnium vero  
eorum opinionibus, quos fama vulgi, casus, aut cæca  
fortuna forsân extulit, & qui in adplausu & existimati-  
one vivunt, inhærent. Alii in Præceptoris & Magistri  
sui, quem sæpius etiam forte nanciscuntur, unice ver-  
ba jurant, ejusque dicta quasi Apollinis Delphici oracu-  
la æstimant. Complures, dum a certi remedii usu si-  
nistrum vel dextrum effectum observant, protinus  
hunc soli remedio nulla aliarum causarum concurren-  
tium habita ratione, quæ multum remedii virtutem  
modificant, adscribunt, & hinc noxium aut proficuum  
in his vel illis evincendis morbis illud existimant, si-



que tantopere decantatum remedium votis & expectationibus non recte respondet, tunc mox ad alia ab aliis magnifice laudata, vel etiam ad exotica transcurrunt, quo efficitur, ut nunquam recte notitiam remediorum facultatis atq; potentiae quae tamen ferè praecipuam therapiae medicae partem sustinet, acquirant. Maxima itaque scientiae & prudentiae Medicae pars est, nosse medicamenta, nosse eorum facultates ac vires, neque minus eorum usum ab abusu recte distinguere, ita enim fiet, ut neq; ipsis nimium laudis vel virtutis tribuamus, neq; nimium detrahamus. Praefari hæc voluimus cum nostri instituti sit de interno praestantissimo Camphoræ usu specimine Inaugurali nostras observationes atque rationes exponere. Neque enim ignotum est, quam praestans atque eximius camphoræ sit usus externus, at nescio, quo fato ejus internus usus minus tutus atque suspectus adhuc creditus fuerit, cum tamen non facile in rerum natura simile detur remedium, quod majores in medendo camphora effectus exhibeat. Hoc vero est, quod in praesens deducere atque rationum & observationum momentis corroborare constituimus. Cui labori ut gratiam atque benedictionem ex alto benignissimum Numen addat, supplici prece efflagitamus.



§. I.

**P**Rius vero, quam de interno camphoræ usu & ejus admiranda in compluribus morbis depellendis efficacia differamus; quædam de illius origine, solo natali atque natura peculiari præmittenda esse censemus. Quod itaque ad ejus originem ac generationem attinet, est ipsa fœtus arboris glandiferæ in India Orientali, cujus folia & radices tenerrima tali resina sunt imprægnata, unde etiam arbor camphorifera adpellatur. Fusio rem vero hujus arboris descriptionem exhibuerunt *Breynius in exoticis Plantis Cent. 2.* & *Kleyerus in Annotat.* Crescit hæc arbor in Japoniæ silvis absque cultura insigni in abundantia, radicem habet crassam, densam, subrufam & ligneam, quæ admodum olet camphoram, cortex est inæqualis ac grysei coloris, lignum vero solidum, ponderosum, subfuscum, oleoso humore turgidum & identidem camphoræ odorem de se spargit, rami oblongi, late expansi atque divisi foliis alternatim positis gaudent palmam longis & duos transversos digitos latis, referunt Cassiæ ligni folia & contritu fragrantissima camphoræ effluvia emittunt. Hæc arbor ad quercus altitudinem in India quandoque adsurgere dicitur. Perpetua fronde viret & sub nostro quoque climate culturam fert, modo ab acri gelu & ventis borealibus solicite defendatur. Eam non modo in horto Medico Leideni, sed etiam in famigeratissimo illo Schwebbeleni, quem ingenti sumtu adornavit generosus Dominus de Mynchhausen, vidimus. Neq; vero tantum in uno eodemque Indiæ loco progignitur, sed alibi quoque ejus proventus visitur, utpote in Sumatra & in Insula Borneo  
sponte



sponte & copiose in filvis crescit, nec multum a Japonica distat. Quando inciditur hæc arbor, profluit oleosus succus, qui particulas camphoreas non paucas continet.

§. II.

Hæc itaque arbor camphoram nobis largitur, quæ non uno modo ex ipsa elicitur. Distinguitur autem camphora in nativam & factitiam, illa granulata est, & ex arborum trunco Solis æstu sponte transsudat, vel ex fisso aut inciso ligno prolicitur & rarissima est: factitia vero, quæ ad nos in glebas & panes compacta transportatur ex radicibus, ligno, ramis ac foliis dissectis ignis officio coctione extrahitur atque sublimatur. Nativa maxime ex Sumatrana & Borniensi arbore depromitur. Japonenses vero per destillationem longe majorem ejus quantitatem obtinent, segmentis enim adfundunt aquam simplicem sufficienti quantitate, & postea in vesica, quæ collo longo ac angusto & capitello lato est instructa, destillationem adornant, in capitello vero ipsa camphora colligitur, ac condensatur. Quodsi opus esse censetur, denuo sublimatur, quo præstantior puriorque evadat. Perspecta jam genes; ac origine camphoræ, res poscere videtur, ut ejus quoque in naturam ac indolem paulo penitius inquiramus. Persecuturis vero excellentissimi hujus simplicis naturam & proprietates paulo adcuratori indagine ac meditatione, in universa rerum natura vix simile sibi aut par haberi jure pronuntiandum est. Quare etiam ob peculiare sibi proprias vires ac qualitates, ad quod genus vel speciem referenda sit, nondum inter Medicos & Physicos consensus est. Veteres camphoram pro  
refina



resina habuerunt, eo quod ex arbore incisa succus elicitus instar resinæ inflammabilis concreascet: at vero, num ad resinas camphora sit referenda, merito dubitandum est; nulla enim ex omni resinarum genere seu natura talis seu arte præparata resina fuerit reperitur, quæ accensa nullo cinere relicto tota in auras avolet. Quid quod haud ulla datur resina, quæ vase clauso per ignem tota in altum elevatur. Ea enim est natura atque indoles resinarum, ut vehementiori igne tractatæ, phlegma, spiritum & oleum fundant. Accedit, quod nulla ex resinis nobis cognita sit, qua tam promte insignem quantitatem Spiritus Vini rectificatissimi recipiat atque absorbeat, sicuti id observare licet in camphora, cujus pars una exacte a Spiritu Vini rectificatissimi partibus duabus dissolvitur.

§. III.

Cum itaque camphora inter resinas vix commodum adinveniat locum, hinc recentiorum nonnulli in eadem iverunt opinionem, ut camphoram falsis volatilis oleosi possidere naturam adfererent, impulsivi maxime ad hanc sententiam ex eo, quod instar falsis volatilis oleosi accedente calidiore igne non modo tota in auras avolet, sed & in clauso vase ne minima quantitate relicta in sublime feratur. Verum enimvero etiam hi ipsi mihi ac veritatis tramite valde aberrare videntur, utpote nulum datur falsis oleo etiam intime imbutum, quod in flammam abripiatur vel quod cum rectificatissimo Spiritu vini aut oleo quodam arctissimam unionem subeat. Et qui camphora falsis titulum jure mereatur, cum solutionem in aqueis menstruis penitus aversetur? Neque isti rem accurata acu tangere mihi videntur,



qui inter gummata illam collocant, quia & solutione & volatilitate plane cum ipsis nullam alit adfinitatem. Nostra vero hæc est sententia: camphoram nihil nisi oleum volatile tenuissimum esse, ast coagulatum, non liquidum. Id vero multis iisdemque firmissimis rationibus corroborabimus. Primo enim multæ dantur species fragrantis odoris & saporis penetrantis, quæ subtile oleum, quod etiam promptissime sub destillatione in vesica cum aqua fundunt, in se custodiunt. Hac ratione non modo ex omnibus fere aromatibus, sed etiam ex plantis oleo volatili turgidis, ut sunt Lavendula, Majorana, Mentha, Romarinus, Ruta, oleum destillatur, unde profecto non mirum est, camphoriferæ arboris partes tale oleum fundere. Secundo, sicuti omne oleum destillatum flammæ admotum mox accenditur atque totum avolat & acerrimam fuliginem emittit: ita etiam idem fit cum camphora, quæ mox flammam concipit, tota avolat nigerrimo fumo exhalante. Dein, quemadmodum omne oleum destillatum in spiritu vini rectificatissimo præsertim tartarifato solvit, adeo ut partes duæ spiritus unam partem olei v. g. Lavendulæ, in se recipiant intimeque invicem uniantur: ita etiam idem experimentum cum camphora feliciter succedit, dum nempe unica una spiritus vini rectificatissimi promptissime dimidiam camphoræ unciam dissolvit. Et quemadmodum solutioni oleorum cum spiritu vini peractæ adfusa aqua oleosas particulas præcipites dejicit: simili ratione soluta in spiritu vini camphora, menstruo aqueo accedente, rursus fundum petit præcipitatur, mixtura inde reddita turbida albescente. Denique sicuti olea destillata, quibusdam saltem gravioribus aromatibus exceptis, propter levitatem aquæ



quæ supernatant: ita etiam camphora in omnibus aqueis liquoribus in superficie hæret. Postremo camphoram cum oleis destillatis similis ejusdemque esse indolis, vel ex eo colligitur, quod illa in spiritu vini rectificato soluta & per alembicum destillata non simul tota evehatur, sed in fundo cucurbitæ, nisi ulteriori distillatione in alembicum urgeatur, pars illius relinquatur, perinde ac fieri solet cum solutis oleis æthereis in spiritu vini rectificato, quæ distillationi submissa, spiritum oleosa substantia subtiliori quodammodo imbutum, fundunt, potiori tamen olei parte in fundo cucurbitæ relicta, quæ ulteriori commissa igni separatim in forma olei prodit. Hæc exactissima experimenta satis abundanter comprobant, maximam inter camphoram & olea destillata intercedere conformitatem. Quapropter non satis mirandum est, quam inani & frustraneo conatu magni etiam Chymiatræ oleum ex camphora destillatum eliciendum quæsierint. Quo fine obtinendo & sua ingenia & nobilissimum hoc simplex dire torserunt atque afflixerunt: ignorabant enim hi lepidi camphoræ carnifices, ipsam jamdum oleum volatile & destillatum esse. Sicuti vero rediculum est ex oleis destillatis oleum elicere velle, cum jam tale quid sint: ita etiam si quis ex camphora oleum vult perficere, res merito paradoxa dici debet. Decepti vero omnes sunt in eo, quod camphoram resinam esse credebant, quæ sicuti facile per distillationem oleum largitur: ita etiam hoc ipsum ex camphora eliciendum omni studio curarunt.

§. IV.

Verum enimvero non eadem, sed diversa camphoræ natura ab oleis destillatis videtur, cum



hæc solida & sicca, illa vero pigua, fluida quoque & manus madefacientia sint. Deinceps & in eo discrimen notabile observatur, quod oleum volatile denuo ex retorta vitrea per arenam destillatum subtilissimum quidem largiatur oleum, sed crassum magna relinquatur: camphora vero tota in forma sicca, ne ulla materia relinquatur, in auras abit. Quibus dubiis, ut satisfaciamus monendum est, dari quædam simplicia in vegetabilium regno, quæ volatilem illam sulphuream & inflammabilem partem, quam in mixtione custodiunt, non in forma pinguis olei, sed in sicca forma, non secus ac camphora elargiantur. Ita si florum rosar. cum sale bene contritorum ac maceratorum magna quantitas cupreæ vesicæ immittitur & cum aqua destillatur, præter aquam fragrantissimam etiam oleum, quod ipsi supernatat album, coagulatum instar sevi, elargiuntur odoratissimum, quod non secus ac aliud oleum in spiritu vini rectificatissimo dissolvitur. Hujus olei delicatissimi hac ratione perati portionem Præses possidet. Simili modo Præses ante aliquot annos ex ligno aloës tale oleum destillatum instar camphoræ prolicuit ingentem nempe raspaturæ ligni aloës odoratissimi ad libras decem accedentis sumsit quantitatem, adfundi curavit aquam fluviatilem, qua per aliquot dies in temperato loco macerata fuit, postea adornata destillatione prodiit aqua, cui oleum ficcum, altum, odoratissimum miræ suaveolentiæ & penetrantis saporis supernatabat & ad drachmas sex minimum collectum fuit. Hoc resolutum in spiritu vini rectificatissimo elegantissimum liquorem cephalicum præstantissimi odoris & virtutis subministrabat, Ex radice recenti-

cam-



camphoræ simile oleum, quod camphoram & ipso odore & virtute æmulatur, destillari ex vesica posse mediante aqua *Hermannus in Collegio manuscripto in materiam medicam* notavit. Ita porro ex cortice radicis Cassiæ cinnamomeæ Camphoram parari posse *Grimmius* docet in *Laboratorio Zeulónico*. Ex cortice vero radicis arboris cinnamomiferæ oleum paratur liquidum, quod camphoræ & cinnamomi fragrantem odorem refert & ex India ad nos transportatur, nullumque dubium est, quin ex aliis fragrantissimis corticibus, radicibus & gummatibus simile oleum ficcum per destillationem haberi possit.

§. V.

Quamvis vero camphora ad oleorum æthereorum classem perquam commode possit referri, quod ex antea adductis experimentis & rationibus satis superque adparet: nihilominus talismodi sicca olea, ut camphora, præ pinguibus illis liquidis quasdam peculiare & sibi proprias facultates in sinu suo recondunt, multum enim inter se ratione volatilitatis seu tenuitatis partium differunt, nam camphora non modo igne submisso sed & sub moderate calido aëre tota in auras & quidem celeriter avolat & evaporat nullo vestigio remanente: contra vero destillata olea tardissime avolant, emittunt saltem tenuissimas sulphureas partes crassioribus & viscidioribus relictis, unde olea destillata vetusta crassescunt, adeo, ut therebinthinæ consistentiam accedant. Quapropter etiam camphora, ne avolet, longe exactiori custodia & conservationis cura in vasis muniri debet, quam ipsa olea destillata, quorum eva-



poratio non tam prompta & expedita est, sicuti camphoræ. Hanc ob causam Pharmacopæi perperam suis rebus consulunt, quod camphoram citra exquisitam clausuram libero sic aëri committant, falsa traditione & opinione occæcati, quod adsperio seminis lini ejus evaporationem impediat, cum tamen parum vel prorsus nihil huic scopo inserviat.

§. VI.

Ex hoc igitur adparet, longe majori partium sulphurearum inflammabiliumque tenuitate & exignitate camphoram præ aliis oleis destillatis pollere, utpote quæ viscido quasi quodam & ramoso involucro excipiuntur & custodiuntur quo camphora summe volatilis ac tenera caret. Hæc summa partium sulphurearum tenuitas a viscido pigui involucro liberata efficit quoque, ut camphoræ virtus ab olei cujusdam destillati viribus longe multumque distet ac differat, nam utut camphora tota inflammabilis sit, nihilominus tamen in corpore nostro calorem haudquaquam efficit, adeo, ut potius intensiorem corporis fervorem sistat, quo circa etiam a veteribus non calida, sed frigida habitata fuit. Etenim viscidiores & secundum *Cartesii* doctrinam ramosæ olei destillati partes sulphur tenuissimum & inflammabile in carcere quasi irretitum & conclusum habent, ut minus promte per poros corporis evolare possit, sed diutius in corpore maneat, unde etiam intensiorem intestinum sanguinis partium motum melius sustinet atque tuetur. Qua de causa omnia olea destillata, gummata quoque, quæ insignem olei quantitatem custodiunt, ut sunt Gummi Ammo-

nia-



niacum, Myrrha, Balsamum Peruvianum, Sagapenum, Galbanum, sanguinis & humorum massam atque universum corpus mire exagitant, magnumque æstus atque fervorem accendunt, siquidem particulae sulphureæ, æthereæ, quæ omnis intestinæ calidæ agitationis causa sunt, anfractuoso, viscido & gummoso contextu involutæ per magus temporis intervallum remanent, neque tam facile ab involucro hoc se possunt emancipare, quare effectus diutius persistit ac durat: fecus fit in camphora, cujus partes per poros citissime avolant, hinc etiam una guttula olei cinnamomi plus calefacit, quam decem grana camphoræ. Quod vero viscosa, pinguis & ramosa olei substantia volatilitatem impediat vel ex eo liquidissime patet, quod camphora in oleo amygdalarum dulcium expresso vel in oleo de cedro aut lavendulæ saluta, sub liberiori quoque aëris accessu non facile in auras abeat, sed subtegmine hoc oleoso diutius ejus substantia contineatur. Et hæc forte fuit ratio, quare veteres semen lini ceu valde oleosum camphoræ adjici curarunt, quo minus ejus volatiles partes in aërem secedant, quanquam hic effectus longe felicius obtineri possit, si modo camphoræ superficies oleo amygdalarum dulcium inungatur, quod ad tutelam partium subtilissimarum plus, quam talismodi semen adjectum efficere poterit.

§. VII.

Quod vero Camphora volatilis, tenuissimi & inflammabilis sulphuris copia imbuta sit, vel unice ex sequenti, eoque perpulchro experimento clarissime evincitur. Nostreis enim temporibus ex urina fermentata debita encheiresi in Anglia præsertim paratus Phospho-



phorus est celebratissimus, qui levi attritu lucidissimum sine flamma ignem spargit, cujus causa ab acutioribus physicis in partium sulphurearum motu intestino, celerrimo, verticillari non incongrue constituta videtur. Hic lucidissimus ignis non melius, quam beneficiio camphoræ multiplicatur ac propagatur. Sumitur nimirum granum unum Phospori & grana decem camphoræ adduntur: hæc invicem in mortario probe prius contusa miscentur, quo facto tota camphora fit lucidissima, quæ, si solvitur in oleo caryophyllorum, liquidus fit phosphorus, quo sine noxa & metu inflammationis, caro, cutis, crines, & vestes inungi possunt, quod elegantissimum de nocte præbet spectaculum. Hujus vero lucis phosphori per camphoram propagationis nulla alia subest ratio, quam quod camphora propter summam partium sulphurearum tenuitatem ad intestinum lucidum motum producendum sit aptissima. Id autem minus experiri licet in aliis oleis destillatis, si cum solo phosphoro misceantur. Atque adeo ex hoc etiam experimento peculiaris & eximia camphoræ proprietas ab aliis oleis destillatis distincta elucescit.

#### §. VIII.

Hæc igitur partium sulphurearum tam incomparabilis tenuitas in camphora efficit, ut ejus quoque usus singularissimus sit, neque oleis aliis destillatis proprius. Ita camphora in universa rerum natura nullum datur excellentius & magis discutiens remedium. Omnes enim humores in tubulis & poris stagnantes promptissime dissolvit, partim poros obstructos aperiendo, partim etiam fibras relaxatas animando ut vel  
exha-



exhalent particulæ subsistentes, vel in motum ac circulum redigantur. Quæ de causa in omni dolore, siue iste in pericranio, siue perioſtio perſiſtat, Spiritu vini camphorato nihil excellentius eſt. In omni præterea tumore abigendo, à quacunque etiam cauſa ſubortus fuerit, idem ſpiritus mirabiles fovet vires, namque tonum fibrarum roborando humorum curſum atque iter promovet. Denique in omni inflammationum genere, imo in ipſa gangræna convenientiſſimum eſt remedium, non modo enim præſervat ab his ſæviſſimis malis, ſed etiam, ſi eorum cohibitioni locus ſupereſt, nihil hiſce caſibus ipſa camphora exterius adplicata eſt præſentius, ſicuti id ſolertiores Medici & Chirurgi longo uſu atque experientia compertum exploratumque habent. Ejusmodi vero efficacia roborans & diſcutiens in dolorum & inflammationum atrociam à nullo deſtillato oleo vel alia inflammabili ſubſtantia in rerum natura poterit expectari vel obtineri. Tametſi vero magna quoque oleis quibusdam deſtillatis æthereis, ſi debite fuerint ſoluta, & roborandi partium tonum & fibrillarum exorbitantes motus ſedandi virtus inſit, ut non ſine fructu adhiberi poſſint: nihilominus in inflammationum vi compescenda inque partis inflammatæ ardore extinguendo camphoratus ſpiritus ceteris multis paraſanguis præcedit.

§. IX.

Utut vero à nullo facile Medicorum ejus ſumma & mirabilis virtus ab uſu externo negari poſſit: nihilominus plures Medicorum extiterunt, & adhuc ſunt, qui ejus internum uſum admodum reformidant & da-



mno atque exitio facile esse posse sibi persuasum habent, hinc veteres ea rarissime & parca admodum dosi in medicamentis & formulis suis uti consueverunt, nullam aliam forsan ob rationem, quam quod eam credebant calidissimam, quæ intensam sanguinis ebullitionem efficiendo æstus atque delirium accendat. Alii contra eam valde frigidam rati venerem ipsam extinguere credebant, cum tamen effectus ille, qui frigiditati adscribitur, cum intenso calore, qui ab aliis camphoræ adsignatur, minime conveniat. Quidam nimis vaporosam & caput & cerebrum exhalationibus opplentem eam habuerunt, unde affectibus, qui a cerebri nervorumque vitio originem ducunt, eam minus conducibilem medicinam judicarunt. Sed quod omnis hic metus inanis atque frustraneus sit, quo boni illi de cetero ac eximii viri laborarunt, & quod camphora non infirma, sed optima medicina sit, tum ratione & experientia, cum etiam auctoritate, quæ fulcimenta nostræ artis sunt, solide demonstrabimus.

§. X.

Quum vero securum camphoræ usum internum dicamus, primo omnium hoc vocabulum, ne offensionis lapis fiat, dilucida expositione enucleandum est. Sensu itaque medico securum illud audit, quod naturæ humanæ conveniens est, neque in copiosiori dosi datum, facile motus aut turbas in corpore excitat & periculum gignit. Insecurum autem adpellatur, quod valenti agendi principio instructum in minori & proportionata dosi efficaciam exerit, in majori vero commotiones vehementes & excretiones enormes suscitatur. Ex his dictis tamen minime sequitur: (quod etiam ty-

roci-



rocinia medicinae edoctus capere potest) secura non posse nocere, quod per abusum illorum utique solet contingere, quemadmodum etiam de insegurorum utilitate non penitus desperandum, siquidem quando recte, prudenter & tempestive adhibeantur, magna eorum vis & efficacia in persanandis morbis proditur. Juvat tamen hanc distinctionem medicamentorum in praxi tueri eam ob rationem, ut quivis prudentior Medicus intelligat, abusum medicamentorum insegurorum & fortiorum plus periculi gignere, quam si quis benignis securisque abutatur, majori itaque cautione ac circumspeditione esse hæc adhibenda, facile nullus ibit inficias, Jam vero camphoram majori in dosi exhibitam plures æstimat inseguriorem, adeoque periculi minus expertem. *Crato* minus æquus camphoræ censor est, & fere ablegat eam in morbis ob dolores capitis, quos concitare putat, hinc robore maxime valentibus subjectis vix tria grana præscribere ausus fuit. Sed præcipuus Auctor hujus præjudicii mihi videtur Medicus alias & Chymicus magni nominis *Daniel Ladovici in Pharmacia*, quem postea multi Professores, Doctores & horum discipuli non pauci usque huc presso pede sunt secuti. Hic in *Pharmatica hodierno seculo adplicanda Dissertat. I. de Diaphoreticis vegetabilibus* camphoram calidissimam resinam dicit, eamque volatilioribus, calidioribus ac vaporosis medicamentis accenset. Dicit porro de ejus operandi ratione, quod producat angustias, solutiones virium funestas, frustraneas ebullitiones, intensioris æstus & insurgentis naturæ confusiones & id genus alia. In eruditis, qui debilioris capitis sunt, itemque in delicatio-



ribus feminis cephalalgias incompeſcibiles atque deliria ſæpe lethalia in febribus continuis præſertim in earum ſtatu ſecundum ipſius ſententiam excitat. Cum igitur tali modo inter calidiora remedia camphoram reponat citra manifeſtam ſufficientemque rationem, hinc multis eam exilioris virtutis medicamentis poſtponit. At vero (pace hujus viri dixerim) camphora minime eſt medicamentum calidiſſimum & noxium, quin potius prudenter, debito tempore & conveniente doſi exhibitum recensita ſymptomata febrium feliciter tollit & pro-  
tinus aufert, ſiquidem camphora ad ſcrupulum unum vel etiam ad drachmam ſemis in ſpiritu vini diſſoluta & ſano homini exhibita cum ſufficienti vehiculo, quemadmodum experimentum multoties fecimus, corpori neque intentiorem æſtum aut calorem infert, neque pulſum adauget, ſed potius manifeſtum refrigerium præſertim circa præcordia præſtat. Multo minus vero adpetitum extinguit, ſitim movet, aut urinam colorat-  
torem reddit, quod tamen ab omnibus nimis calidis fieri debet, hinc ad unicam ſpiritus vini ingeſtus vel unus hauſtus vini generoſi plus caloris corpori, quam duæ drachmæ camphoræ interam. Quodſi ergo ejusmodi ſymptomata à camphoratis remediis forſan concita fuerint, tunc ſane illum effectum magis calidi-  
oribus Eſſentiis atque Elixiriis, quibus camphora adjecta fuit, quam ipſi camphoræ adſcribendum jure cenſen-  
dum eſt. Camphora certe propter partium tenuita-  
tem, qua pollet, cito è corpore avolat & intime poros ſubiens eoſque obſidens animando fibras inertes & re-  
laxatas, non modo expeditiorem ſanguinis & humo-  
rum curſum facit, ſed & tranſpirationem valide adju-  
vat,



vat tubulos obstructos aperit & peregrinas atque naturæ alienas partes expellit. Quod autem usum internum camphoræ nonnulli reformident, eo quod venerem sopiat atque extinguat, id minime experientiæ est consentaneum. Novimus potius camphoram naturam roborando cupiditatem coëundi concitasse. Et notatu digna sunt, quæ clarissimus *Pauli in Obs. 235. M. N. C. Dec. I. A. VI. & VII. prodidit: est, inquit, in vicinia juvenis vegetus & sanus, cui meo jussu in omni fere cibo ac potu camphora per aliquot septimanas a matre data fuit, ipse tamen minime recessit ab indole sua puellarum amantissima.*

§. XI.

Nos sumus ea in sententia, quod in universo rerum naturæ sinu vix ullum reconditum sit simplex, quod ad submovendam de corpore malignitatem, cujus naturam in penetranti putredine tam solidarum, quam liquidarum partium reponimus, non detur ipsa camphora præsentius atque potentius. Quare jure meritoque alexipharmacorum princeps dici meretur. Deinceps ad contagii sive maligni miasmatis morbifici vim infringendam, illudque mox ab initio de corpore propulsandum summum camphora est remedium. Morbi enim, qui ex contagio nascuntur, ex putrido quodam vapore seu halitu in interiora corporis suscepto fiunt, qui cum salivali latice in ore mixtus descendens ad ventriculi & intestinorum sinum humores ibi stagnantes ad fermentationem subeundam faciles, ut sunt biliosi & salivales, penitus corrumpit, ipsisque putredinem inducit, quæ postea fluidum corporis nostri tenuissimum, quod maxime in membranis, ner-



vis & fibris habitat, contaminat, unde solidorum vis motrix, tonus & robur perit, quod summa virium convulsio denotat atque sic humores & sanguis tardius non modo circulantur, sed & ad sphacelosam corruptionem inclinant. Quicumque itaque malignos contagiosos corpore arcere vult morbos, is vel ipsum putridum miasma vel quod ab ipso corruptum fuit ex corporis nostri sphæra propellere omni studio atque opera nitatur. Nihil vero ad hoc præstandum aptius est camphora, utpote quæ oleo penetrantissimo omnes corporis poros pervadit ipsasque fibras motrices, e quibus solida componuntur, citra augmentum caloris armat, quo fit, ut fluida corporis nostri promptiori cursu per omnes tubulos corporis ferantur, inde stases corruptivæ non modo impediuntur, sed & illud tenue putridum sanguini admixtum per glandulas & poros subcutaneos velut congruum omnis excrementi spirituosius tenuis emunctorium expellitur. Unde etiam veteres ejus virtutem in peste & malignis mirabilem agnoverunt. Quam ob causam non modo *Electuarium antipestilentielle Kegleri*, sed & *Pulverem Pannonicum rubrum*, cujus virtus, quæ ab admixta camphora maxime dependet, in malignis expellendis febribus semper plurimi habita est ingreditur. Habet quoque camphoram *mixtura simplex Paracelsi* & *famigeratissima Michaelis bezoardica Tinctura*, de qua tamen monendum ducimus, quod, si commotio sanguis ab ejus usu paulo conciatior fiat, is effectus non tam camphoræ, quam potius aliis admixtis radicibus calidioribus & ingredientibus debeat adscribi. Quam potens camphora sit in sphacelo partium externarum quam profunda inflam-



flammatio minatur , avertendo remedium , vel Medicæ artis & Chirurgicæ elementa edoctis haud ignotum est. Quodsi igitur tanta ejus laus est in sphacelo partium externarum avertendo , quidni etiam ejus usus internus ad interiorum sphacelationem viscerum præcavendam eadem ratione proficius sit ? Quum vero rationi etiam ipsa experientia optima veritatum medicarum magistra adstipuletur , merito concludimus camphoram in omnibus malignis putridis morbis inque ipsa etiam peste omnibus alexipharmacis esse præferendam.

§. XII.

Huic nostræ sententiæ primo adstipulatur *Mindererus in Lib. de Peste Cap. XV. dum , inquit , nostris laudibus insigniter deprædicanda venit camphora: non mirabile modo, verum etiam forte & efficax alexiterium est. Modum operandi ita explicat: interno nostro calore mox ignita & in corporis quasi meditullio flagrans inquinatos spiritus eosque tetros ac fædo miasmate pollutos aut inspiratos veneni tabe aliqua contaminatos halitus jam cordi vicinos ac circa præcordia hærentes exurit & sicco plane ac igneo calore pervadens partem expellit, partem combustionem absumit, partem corrigit atque emendat, partem per sudorem pellit. Neque Iohannes Crato in Epistolis medicinalibus a Schulzio editis pag 103. diversæ est sententiæ , sed potius hanc confirmat ita differens: adversus pestem multa , quæ pro certissimis habentur , fallacia sunt, camphoram omnia remedia excellere re comperi. Et idem Auctor loc. cit. sequentibus utitur in febribus malignis nempe: pulvere ex bolo armenia drachma una , camphoræ scrupulo uno, ambra gryscæ granis tribus. Subscribit huic etiam Fernelius Lib. V. Metho-*



*Methodi medendi Cap. 21. ubi camphoram malignos calidos vapores extinguere statuit. Zuvingerus in Epistola ad Monavium inter Schulzianas num. 246. camphoram cum spiritu vini solutam in peste & malignis mirifice commendat. Hartmannus vero in Pract. Chymiatri. pag. 364. aqua antipestilentiali in peste 1629. grassante magno cum fructu usus est & edidit hac de re Germanicum scriptum. Descriptio vero hæc est: Rec. Spiritus vini optimi libram unam, camphoræ unciam unam, croci orientalis scrupulum unum, solvantur & spiritus vini fit aurei coloris, qui ad cochlearia aliquot dandus est. Hujus spiritus largiorem dosin suadet Screta in Tract. de febr. pestilent. pag. 296. cum primis instante crisi in malignis & quod miraculum præstiterit adfirmat. Vidimus quoque ex manuscriptis Beati Wepferi illum in malignis ad drachmam semis pro dosi dedisse summo cum fructu. Nullus vero facile fuit, qui majori dosi felicius illa in malignis & petechialibus febribus usus fuerit ipso Riverio. Neque alienum erit hoc loco notabilia circa ejus usum ex Observat. & Histor. Riverii recensere. Cent. I. Obs. 24. hunc casum insinuat: juvenis sedecim annorum, febre maligna laborans, maculis violaceis conspersus cum delirio & alvi fluxu, sumsit camphoræ grana duodecim eum pulveris sudoriferi scrupulis duobus; copiose sudavit, delirium cessavit, alvi fluxus imminutus est, & optime se habuit. Et porro Cent. I. Obs. 29. hunc casum adfert: Juvenis febre maligna cum exanthematibus laborans die nona moribundus visebatur. Dedi pulveris diaphoretici scrupulos duos, camphoræ grana duodecim cum aqua cardui benedicti, & tectus in lecto mansit per duas horas, non sudavit, vesperi eadem portio fuit iterata & copiose sudavit, multo melius habuit*  
*& con.*



⊙ convaluit. Denique Cent. II. Obs. 18. hic casus proponitur: *Vir quadraginta annorum febre maligna cum maculis lividis, hæmorrhagia, pulsu parvo ⊙ frequenti laboravit, præscriptus fuit hic pulvis Rec. Salis prunellæ unicam semis camphoræ semi drachmam, misce, divide in quatuor doses, quarum unam accepit singulis tribus horis, mane multo melius habuit, jussit iterari pulverem ⊙ eodem die a præsentaneo vitæ periculo liberatus est ac paucis postea diebus convaluit.* Et Obs. 62. Cent. II. hic casus legitur: *Juvenis viginti quatuor annorum febre maligna laboravit cum delirio, ⊙ circa undecimum diem motus tremuli ⊙ convulsivi nervorum visi sunt, administrata fuit venæ sectio in fronte ⊙ dati fuerunt pulveres ex bezoardico minerali ad scrupulos duos, camphoræ granis duodecim cum aqua cardui benedicti ad unicas duas ⊙ evasit.* Et Cent. II. Obs. 64. hunc nobiscum communicat casum: *Mulier quinquaginta annorum febre maligna cum maculis latis violaceis laborans octavo die potionem diaphoreticam supra laudatam sumsit ⊙ addita est ventri ⊙ pectori cum spongiis, pulsus inde factus est validior ac magis ordinatus ⊙ die undecimo Parotis apparuit, quæ in suppurationem transiit ⊙ convaluit.* Et Cent. II. Obs. 73. idem sequenti confirmat observatione: *filia viginti annorum febre laborans maligna, accessit circa undecimum diem delirium cum contractione nervorum in carpis manuum ⊙ lipothymia, ordinatum fuit Julabium ex aqua cardui benedicti uncis tribus, aquæ theriacalis drachmis tribus, bezoardic. mineralis scrupulis duobus, camphoræ granis sex, qui julepi per biduum usurpati fuerunt, mane ⊙ sero, hoc remedio intra paucos dies convaluit.*

§. XIII.

Ex his adductis jam liquidissimum est, campho-  
D
ram



ram in malignis præsertim eo tempore, ubi corpus critico motu in eo, quod ipsi inimicum ac perniciosum est, expellendo occupatur, salutarem opem adferre, nullumque dubium est, quin laudatissima nostra camphora adversus pestem tantopere commendatis omnibus remediis, modo debito tempore, quod caput praxeos medicæ est, exhibeatur, sit superior. Quam eximia laus *oleo* sic dicto *pestilentiali Heinisii*, cujus basis camphora est, constiterit, obscurum esse nequit. Huic viro statuam Romæ ob praxin feliciter in peste gestam erectam fuisse communis est Doctorum traditio. Atque secundum nostram sententiam, si ulla Medicina præsertim camphora multum in peste præstare potest, modo non præpostere, sed recte & ordine habita circumstantiarum & temporis ratione ipsa utamur. Neque enim incognitum est, præsentissimam adversus quendam morbum medicinam minus recte & inconvenienti tempore datam maximum nocumentum adferre, sicuti id clarissime in exhibitione chinæ, chinæ ad curandas intermittentes animadvertimus. Inter fortissima alexiteria a viris doctis atque eximiis Medicis camphora numeratur quia putredini mirifice resistit, sed quod non semper expectationi & spei conceptæ effectus respondeat, hoc non remedio tanquam clavæ Herculis, sed Medico, qui Herculis clavam tractare ingnorat, adscribendum esse jure meritoque censemus. Nos hujus sumus sententiæ, delinqui maxime in eo, quod camphoram in peste in exili admodum dosi præscribant & majorem reformident. Deinde, quod calidioribus elixiriis & essentiis oleosis ipsam admisceant. Tum quod non convenienti tempore eam exhibe-



hibeant. Nos sub invasione vel prima accessione mali neque minus circa criticum tempus ejus usum convenientissimum judicamus præsertim, si cum acidis ceu vehiculis administretur. Hunc in finem in pestilentialibus febribus sequentem mixturam etiam atque etiam commendamus, sumatur nempe aquæ acetosæ & cardui benedicti ana unica una, bezoardici mineralis drachma semis, camphoræ grana sex, syrupi acetositatis citri unica semis, detur pro una dosi.

§. XIV.

Præterea visitur adhuc in camphora alia nobilis virtus putredinem & malignitatem lentam quidem, sed admodum pernicialem ex corporis nostri sphæra propulsandi: talis est, quæ ab impuro coitu lymphæ succis vitalibus & postea solidis partibus ossibus quoque affricatur. Exiguum quidem, sed potentissimum omnium venenorum more est illud elementum, quod & virulentam gonorrhœam & luem sic dictam veneream ejusque atrocissima symptomata suscitatur, intima corruptione & putrefactione succos præsertim lymphaticos contaminando. Præcipuum igitur curationis momentum etiam in eo consistit, ut putridum exterius susceptum miasma prima quasi in herba suffocemus, illudque citius e corpore expellamus, neque minus id, quod putridum & corruptum fuit, a vitalibus succis separemus. Huic vero scopo obtinendo diu jam dudum ex omnibus naturæ regnis remedia quæsitæ & excogitata fuerunt, num vero camphora præsentius & excellentius adhuc fuerit repertum ipse usus atque experientia addocet? Profecto summain camphora ad gonorrhœam etiam veterem item luem veneream extir-



pandam medicina recondita est qua omnes mercuriales salivationes lignorumque decocta balneaque lachrymica omniaque alia sunt inferiora. Neque ita pridem a Medico, cui fides indubia habenda est, nobis relatum est, quod præmissis conveniente alvum ductorio remedio sola camphora soluta in axungia viperarum ad diram hanc luem persanandam suffecerit, id quod plurimis experimentis & exemplis edoctus D. Præsidiasseveravit. Crediderim tamen mercurio fixato, qui sola diaphoresi agit, qualis D. Præsidis est, camphoram decenti dosi adsociatam in tollenda lue hujus atrocitas majores adhuc præstare effectus. Hoc certa experientiae fide possumus asseverare, quod in gonorrhœa curanda inque lue venereæ principio nihil præsentius camphora deprehenderimus, quare etiam non sine ratione essentiis & elixiris contra gonorrhœam balsamicis, quæ ex Opobalsamo, Balsamo de Capaiba, Balsamo de Peru, Balsamo de Mecha, refina ligni Aloës, gummi Guajaco cum spiritu vini tartarificato præparantur, camphora adjicitur, utpote quæ mirifice horum virtutem acuit atque incendit inque roborando glandularum tono & stasibus corruptivis abigendis mirabilem efficaciam exferit.

#### §. XV.

Deinde camphora non datur excellentius remedium contra internas inflammationes, quæ sphacelum & interitum, si graviores fuerint, inque membranosis partibus maxime consistant, minantur & maximum periculum alunt. Felicissimo vero connubio tunc conjungitur cum nitro, nam solam camphoram in inflammationibus, quibus maximus æstus junctus est,  
non



non facile suaderem. Etenim, ubi magnus fervor urget, spasmus plerumque constrictæ sunt fibrillæ & pori cutis clausi ac coarctati: his apertis & spasmus sedato mox sudor fuit. Quum vero id felicissime exequatur ipsum nitrum, hinc quoque mirum refrigerat & hoc modo efficit, ut camphora felicius & obstructions resolvere & materiam vitiosam in partibus inflammatis stagnantem discutere possit, metus enim est, ne poris arcte clausis & cute aridissima existente camphora interne quidem multum commoveat, sed parum vel nihil prorsus promoveat. Quare in febribus continuis, quæ fere omnes aliquid inflammatorii habent itemque etiam in inflammationum generibus ceteris, in pleuritide, phrenitide, angina, inflammatione uteri magno cum fructu semper usus est *D. Præses* in praxi camphora cum nitro mixta, adjecto pulvere bezoardico, ubi mox ab eorum adsumptione ratione æstus, delirii, sitis, & vigiliæ ingens alleviamentum secutum est. Tales quoque nitrosos & camphoratos pulveres acutus pariter ac prudens *Belgii Medicus Cran* in frequentissimo habuit usu, ut ex ejus *Praxi Medicinæ reformata* apparet. Ita in phrenitide & mania hunc pulverem laudat: Rec. lapidis Prunellæ grana quindecim, camphoræ grana quatuor vel quinque, laudani opiatum semi granum, misceatur & fiat pulvis. Ab hoc pulvere, scribit *pag. 132. loc. cit. miras aliquando vidi operationes in phrenitide & mania ita, ut agri ipsi mutationem admirarentur.* In Pleuritide & Peripneymonia camphoram cum spiritu nitri vel etiam ipso nitro & aqua papaveris rhœados mire quoque commendat. *conf. pag. 197.* & in renum inflammatione lapidem prunellæ ad grana duodecim



cum camphoræ granis quatuor miscet & præscribit. *conf. pag. 207.* & in febris continua pro siti sedanda granaria camphoræ pulveribus addenda esse suadet & talem pulverem in febre pestilentiali cum bezoardico minerali quoque commendat.

§. XVI.

Denique camphora in hæmorrhagiis valde periculosis & enormibus, præsertim, quando febribus malignis junguntur, miras præstat vires. Hac de re elegantem locum habet *Raygerus in Observationibus medicinalibus obs. 20.* ubi ita scribit: *Nihil frequentius apud nos est in variolis, morbillis, & febribus petechialibus, quin & ipsa præterita anno 1679. peste, quam hæmorrhagia narium quandoque ab initio, quandoque in statu morbi superveniens & quoniam rarius critica, semper, imo sæpius symptomatica morbum non solvit, sed potius exanthematum eruptionem impedit, spiritusque dissipat, agrumque debilitat, hinc omnibus modis sistenda, vix autem melius & magis ad propriatum inveniri potest, quam Sperniola Crollii, cujus miram efficaciam semper tuto & optime sum expertus. Et confirmant hanc assertionem observationibus anni 1685. In hyeme puella duodecim annorum petechiis laborans corripitur hæmorrhagia narium, quam cum domesticis remediis reprimere non potuissent & tota nocte sensim ita stillasset sanguis, mane vocatus ego, obstupui conspecta quantitate sanguinis, tunc cum gossypio pulverem ex colcothare vitrioli, sanguine Draconis & terra sigillata consperso obturavi nares & exhibui sperniolam ad scrupulum unum & post tres horas rursus, & tertia vice reiteravi, sic sanguis non modo substitit, verum & petechiæ jam disparentes erupere sensimque puella convaleuit & adhuc vivit. Et porro*

anno



anno præcedenti vocatus sum ad feminam, in quartum diem febre acuta maligna detentam, mane insuper abortum passam, huic circa vesperam hæmorrhagia enormis supervenit, ut usque ad nonam noctis plus quam duæ libræ sanguinis effluerint, cum valde debilis esset, exhibui statim Sperniolæ scrupulum unum cum aliquot granis Coralliorum præparatorum, at nares obturavit gossypio atramento scriptorio imbuto, ita effecit, ut intra breve tempus sisteretur. Jussit, ut singulis tribus horis pulvis reiteretur, sic hæmorrhagia totaliter emansa & illa convenienter tractata convaluit. Nec in hæmorrhagia narium solum, verum & in hæmoptysi optimum ejus successum idem Auctor expertus est. Componitur vero hoc medicamentum ex myrrha electa, thure, fumendo uniuscujusque unciam unam, ex croci granis quindecim, ex camphoræ drachma una & dimidia, qui pulvis aqua spermatis ranarum vigesies vel trigesies irroretur: ita tamen, ut semper prius sponte exsiccetur. Confectio de Hyacintho ejusque species laudantur etiam in nimis hæmorrhagiis, in malignis morbis & aliis, utut compositio ex pretiosis adeo lapidibus conflata curiosa videatur, quicquid tamen præstat potissimum camphoræ intermixtioni adscribendum. Heurnius ad omnem sanguinis fluxum maximo cum successu semper propinavit sequentem pulverem *in notis ad aphorism. Hippocr.* Rec. seminis papaveris albi, hyoscyami albi cujusque drachmam, hæmat: corallia rubra cujusque semidrachmam, camphoræ scrupulum semis: sumat mane & vesperi semi drachmam. Craen in *Praxi reformata* in narium hæmorrhagia sequentem pulverem maxime commendat Rec. lapidis Prunellæ scrupulum unum, camphoræ grana tri-



tria usque ad quinque, laudani opiatum granum unum. item Rec. boli Armeniæ, terræ sigillatæ, cujusque grana quindecim, camphoræ grana quatuor. Camphora vero cum nitro in omnibus hæmorrhagiis magnæ est efficaciam, eam maxime ob rationem, quod graves hæmorrhagias, si a causis internis proficiantur, nempe a viscerum & mensenterii spasmodis & constrictionibus tanquam egregium antispasmodicum cohibeat.

§. XVII.

Præterea camphora in discutiendis flatibus, qui hypochondriaca, hysterica & colica passione correptos sævisimis sæpe symptomatibus torquent, mirabilem præstat opem. Dicitur vix potest, & quotidiana id indicat observatio, quantam truculentiam in ventriculo & intestinis detenti atque incarcerati exerceant, nimia enim tunicarum sensibilibus expansione & distractione maximas angustias, anxietates, spasticas nervosarum partium constrictiones, quas excretiones suppressæ, & extremorum frigora insequuntur, non sine ingentis periculi & mortis metu concitant. Nihil hic opportunius est, quam ut penetranti medicina tonum ventriculi atque intestinorum dejectum, qui plerumque flatuum causa est, restauremus, quo vividiori reddito, non modo flatuum, sed & humorum aliorum excrementitiorum ibi hærentium copia feliciter foras eliminatur. An vero quid præstantius ad hunc scopum obtinendum ipsa camphora cum nitro mixta inveniri possit, est quod merito addubitemus? sicuti enim nitrum cum camphora in pluribus casibus felicissimum init conjugium: ita maxime id fit, ubi carminativam vim exercere debet, quia solum nitrum relaxando spasmos & biliosam acrimoni-



moniam partiumque calidam intemperiem temperando in vehementibus colicorum tormentis miracula præstat, multo magis vero, si felici copula jungatur camphora. Meretur vero hoc medicamentum longe majorem laudem atque palmam, quam aliud ullum ex calidioribus præsertim concinnatum carminativum, eam ob causam, quod citra interni fervoris augmentum operetur, quæ virtus aliis calidioribus, in flatibus discutientis negata est. Varia vero forma ac modo in talismodi casibus camphora poterit exhiberi, vel enim in liquidam aut solidam formam redigi poterit, si illam desideras, sequens formula selectissima laudem meretur.

Rec. Tincturæ tartari, Essentiæ corticum aurantium recentium, spiritus nitri dulcis cujusque drachmas duas, camphoræ grana decem, misceantur, dosis sunt guttæ quinquaginta vel sexaginta, singulis duabus horis. Si vero spasmi truculentiores urgeant, tunc castorina possunt admisceri nempe Essentia vel Extractum ejus. Pulverem si expetas, ille sequenti modo concinnari potest. Rec. lapidum cancrorum, antimonii diaphoretici, nitri purificati cujusque drachmam unam, camphoræ grana decem, olei chamomillæ vulgaris non adulterati vel olei millefolii guttas sex, misceantur, fiat pulvis, dosis est drachma semis. Hæc duo magnarum virium sunt remedia, quæ in hysteriis compescendis pathematibus omnes fere numeros absolvunt. Etenim hæc ipsa præter virtutem roborantem & flatum discutientem simul sedativam & anodynam habent, quæ in talismodi casibus desideratissima est.

§. XVIII.

Est præterea camphoræ alia adhuc laudatissima  
E
virtus



virtus atque efficacia infusa, nempe sanguinis excretiones consuetas & naturæ solennes promovendi. Haud ignotum in foro Medico est, quam gravia symptomata suppressas vel deficientes ordinarias sanguinis periodicas in plethoricis præsertim feminis evacuationes sequantur, cum nihil certius, præsentius & celerius statum sanum in deterius commutare his ipsis possit. Neque vero tam facilis res est Medico, opportuna medicina in ordinem talismodi salutare excretiones restituendi. Fateor vero ex omnibus tantopere ad id perficiendum laudatis remediis, nihil camphora esse excellentius, præsertim, si cum balsamicis & antispasmodicis specificis, quorum virtutem non parum accendit & auget, misceatur. Nostri moris est, hac uti mixtura: Rec. essentia myrrhæ electæ, succini cujusque drachmam semis. Essentia croci, castorei cujusque drachmas duas, camphoræ drachmam semis, quæ mixtura præmissa venæ sectione atque alviductione circa instans mensium tempus frequentius usurpata eximio usui erit. Observavimus scilicet a frequenti & continuato camphoræ usu sanguinem antea crassum longe tenuiorem & fluidiorem redditum fuisse. Observavimus quoque homines obesos & fero turgidos quodammodo macilentiores factos fuisse evidenti argumento: hanc medicinam egregie humores crassos & stagnantes attenuandi & dissolvendi virtute gaudere.

§. XIX.

Est denique usus camphoræ singularis atque eximius in morbis, qui vesicam infestant, quales sunt dysuria, stranguria qui ut plurimum vel a vesicæ calculo vel a viscida tartarea in ejus cavitate stagnante saburra vel a  
femi-



seminali lymphâ corrupta & acri facta nunquam non  
proveniunt. Etenim a læsione substantiæ vesicæ pu-  
tridus quidam corruptus fit humor, qui urinam præ-  
cipitat, ipsamque putridam efficit, quæ postea eximio  
sensu præditam urethram membranofam lancinat at-  
que dolore adfligit. Ad putridam igitur in vesica &  
urethra stagnantem materiam summovendam fortiori  
quodam roborande & stimulande opus est. *Johann*  
*Græneveld* Anglus Medicus *tractatum* edidit Londini  
anno 1703. *de tuto cantharidum in medicina usu interno*,  
qui in vesicæ vitiis, in ejus calculo, in gonorrhœa quo-  
que virulenta cantharidum pulverem cum aliquot gra-  
nis camphoræ mixtum præscribit, ejusque insignem  
utilitatem non satis dilaudare potest. Cantharides so-  
læ & sibi relictæ ob sal, quo pollent, tenue, penetrans  
causticum validissimè vesicæ partes nerveo - membra-  
nosas stimulant, & impactum viscidum, acrem humo-  
rem excutiunt, quia vero metus est, ne inflammatio-  
nem vel vasorum apertionem efficiat, camphora adjici-  
tur, quæ causticæ vehementiæ non modo optima  
correctrix est, sed & stases inflammatorias impediendo  
facit, quominus periculosa inflammatio subsequatur.  
Etenim camphora non tantum vehementiorum diure-  
ticorum, quæ erodente sale prædita sunt, vehementi-  
am mitigat atque castigat, sed & valentioribus acribus,  
purgantibus, quæ simili caustico acri sale agunt ceu  
summum correctorium quam opportune admiscetur,  
utpote omnia cathartica, si pauxillum camphoræ ipsis  
adjicitur, longe mitiorem naturam ac facultatem indu-  
unt.

§. XX.

Hiscæ jam diductis ac demonstratis, quod campho-  
ra sit securissima medicina, reliquum jam est, ut de



ejus utendi ratione monita breviter adjiciamus. Quemadmodum vero nullum optimum etiam medicamentum semper juvat, quin potius improvide & intempestive datum nocet, ita etiam nulla hac in re camphora gaudet prærogativa. Nam & ratio dictitat & experientia confirmat, quandoque oriri ab ejus improvido usu anxietates circa præcordia, cephalalgias augeri, adpetitum destrui. Fit hoc maxime in iis, qui infirmioris sunt naturæ & facile a levi mutatione læduntur. Accidit quoque in iis, qui capitis & cerebri vasa sanguine & humoribus repleta habent seu ubi inæqualis humorum circuitus est, & cum impetu sanguis forsan propter membranarum & vasorum atoniam ad caput ruit, quod ex facie tumida & rubicunda, dolore capitis gravativo, vertigine, torpore, somnolentia adparet. Quo casu utique omnia volatiliora & vaporosa spirituosa præsertim in majori dosi exhibita nocent. Quare etiam Paralyticis, Epilepticis & convulsionibus diris afflictis cum cautione & parca manu sunt concedenda. Neque minus congrua præsertim in excessiva dosi sunt plethoricis & repletis corporibus, utpote motum intestinum, in humoribus, quorum liberior cursus ac iter impeditur, efficiunt &, ut dici solet, movent, sed non promonent, hinc anxietates & inquietudines vel producunt vel augent. Neque in alvi adstrictione utilia sunt, quia fibras intestinales siccando nimium efficiunt, quo alvus tardior descendat. Denique in omnibus acutis, ubi omnia interius fervent & ardent, humidumque deficit, cutis sicca & torrida est & omnia constricta sunt, ea remedia, quæ motum intestinum augent interius, nequaquam locum inveniunt. Præstat etiam tali in casu lenissime agere & naturæ potius frenum, quam stimulum injicere: nam in acutis nihil præcipitandum est, sed omnia moderate ac tempestive sunt agenda. Quapropter in horum morborum augmento vel statu cautissime procedendum est. Tutius in principio vel instante crisi, si natura eget stimulo vel sub declinatione, locum habent.